

勅脩甘肅通志



甘肅通志卷之三十七

忠節

人臣委質事君平時竭忠盡職遇難殉節致身自古
忠臣烈士彪炳史冊當時傳爲盛事後代猶深景仰
甘肅自漢迄今代有其人謹列姓名垂諸奕世志忠
節

蘭州府

晉辛 賓狄道人勉弟愍帝時爲尚書郎及帝蒙塵於
平陽劉聰使帝行酒洗爵賓起抱帝大哭聰曰前殺

甘肅通志

卷三十七

忠節

一

庾珉輩故不足爲戒耶引出遂加害焉

辛恭靖狄道人隆安中爲河南太守會姚興來寇恭
靖固守百餘日以無救而陷被執至長安興欲官之
恭靖厲色曰我寧爲國家鬼不爲羌賊臣興怒幽之
別室經三年誑守者乃踰垣遁歸於江東安帝嘉之
桓元請爲諮議參軍置之朝首

鞠 允金城人爲雍州刺史愍帝卽位以允爲左僕
射領軍持節西戎校尉錄尚書事劉曜逼長安允擊
破之擒殷凱於陣曜後攻北地太守鞠昌遣使求救



允率步騎赴之曜復攻長安允與帝至平陽爲劉聰所幽辱允伏地號哭不能起因自殺聰嘉其忠烈贈諡節愍侯

劉雄字猛省臨洮金城人少機辨慷慨有大志初爲文帝親信後拜中大夫賜姓宇文氏天和中封周昌侯武帝以雄爲河州刺史雄先已爲本縣令復有此授鄉里榮之後進爵趙郡公宣政元年突厥寇幽州雄戰沒贈亳州總管

隋李襲志字仲先狄道人始安郡丞大業末盜起襲志

甘肅通志

卷三十七

忠節

二

傾私財募士三千乘城拒之或勸其據嶺表取百變效尉陀事襲志曰當相與戮力爲宗社雪耻寧蹈忠以死不逆節以生遂固守凡二年死爲肅贊所害

唐辛讜蘭州人雲京孫也學詩書能擊劍重然諾急人之急初事李暉主錢穀性直勁慨然嘗有濟時意後龐助攻杜悛於泗州南河之乘舟趨泗口貫賊棚以入悛素聞其名握手相慰賊焚淮口讜乃嚮求援至泗澤見戍將郭厚本誦告急付兵五百時悛表裏擊賊大敗之讜入人心遂固圍三日賊遂復

與壯士徐珍等夜斬賊柵詣浙西見杜審權時皆傳
泗州已陷疑讜爲賊計囚之防禦使李嶧稱其忠可
信審權乃許救合淮南兵五千讜引兵大戰斬賊六
百級入城愾表其功於朝授御史圍八九月乃解卒
完州以功第一拜亳州刺史乾符末終嶺南節度
使

明何 銘河州衛指揮同知永樂十年領軍涼州衛遇
賊力戰而死

漆 堅涇源人任四川重慶府照磨值蜀賊反領鄉
兵力戰而死

甘肅通志

卷三十七

忠節

三

何 勳字朝用銘之孫本衛指揮同知正德九年征
西寧及嘉靖五年征洮州俱有功九年戍甘州賊臨
境同百戶孫福力戰陣亡

陳 鍾蘭州衛左所正千戶成化四年從大將軍征
叛賊滿俊於石城臨陣呼副千戶李旺盡力報國遂
揮兵奮擊力戰同死於陣一時壯之

張 瀛字士元蘭州衛左所正千戶性孝友忠實臨
事有爲陞指揮僉事正德十二年秋臨鞏參政張

檄瀛隨征至安定先令軍士入城爲保全計挺身出探遇敵衆寡不敵戰死至剖其腹事聞加指揮使世襲命有司致祭

姚震河州衛指揮同知陞遊擊將軍正德辛未調四川征勦流賊力戰陣亡

朱輔蘭州衛右所正千戶委守河北安寧堡大敵至斬獲有功俄而勢益衆輔力戰爲流矢所中而死性孝友勤職善撫士卒人共悼惜之事聞贈指揮僉事世襲

甘肅通志

卷三十七

忠節

四

妙齡河州人由軍功陞本衛正千戶宏治十四年領兵固原等處遇賊戰死贈指揮僉事

馮琦河州衛指揮僉事正德癸酉追勦四川流賊戰死子恩襲職嘉靖元年領軍於洮州遇賊亦戰死蔣繼勲河州衛指揮使嘉靖十一年領軍甘州遇賊戰死贈都指揮僉事

黃命河州營千總明末從參將費邑宰統兵進征四州流賊於五丁硤力戰而死

朱家仕字翼明河州人明末戊辰進士陞山西兵備

道治蹟有聲李逆陷京師山石言 五城家仕義不
屈投井而死

韓一麟蘭州人明末以明經司訓寧羗寇至城陷麟
以身殉難事聞贈國子監學錄

石崇德字峻吾狄道人早喪父其母張氏殉節死德
寄養外家及長襲祖父職陞金鎖關守備有戰功陞
固原鎮左營都司會流賊襲隆德崇德從兵備道陸
夢龍出兵禦之賊圍陸數匝德突出重圍聞陸困賊
中復殺入與陸俱戰死奉旨贈副總兵

甘肅通志

卷三十七

忠節

五

李承先蘭州衛百戶勇畧出衆騎射邁倫天啟間以
功陞參將殉節

蔣嘉邛蘭州人年弱冠善騎射從督撫勦寇有功題
授都司明末李賊壓境嘉邛扈王出城爲伏莽土回
所劫拒敵河澌矢盡被害碎骨層冰中

段字辛蘭州庠生南陽知府堅曾孫闖寇至衣冠再
拜自縊於祖祠子婦王氏亦同時自盡

溫 棗蘭州人肅藩侍書李寇入城夫妻子女八口
闔門俱縊死

林培樑蘭郡庠生李寇入城殉難自縊死

朱文美蘭州耆民李寇入城同妻王氏並縊死

李芳 李如玉 劉子都 魏承勳 李國琦

何天衢 賀守王 官俱固鎮標弁萬曆十八

年從總兵劉承嗣征勦俱奮勇當先殺賊甚多賊更

出驍騎伏精兵衝營時天大雨承嗣敗績芳等八人

俱戰死後立廟致祭

皇清王世德河州衛人博學多謀以軍功陞授臨洮道標

中軍守備順治五年遇回變不屈而死

甘肅通志

卷三十七

忠節

六

李絮飛遼東人順治五年任臨鞏道履任未及兩月

值逆回米刺印叛殉節

趙翀鄭州人順治五年任蘭州同知回變殉節

李涓定興人順治二年知涇源縣政尙平恕五年

回變涓議守城奸民爲賊內應遂被執涓罵賊不屈

死督撫上其事贈按察司僉事廕一子

白旂蘭州學正回變殉節

鞏昌府

魏麗 德字全明南安豸道人初平中從馬騰擊反羗
有功遷校尉封都亭侯以不降蜀漢死魏封其二子
爲列侯諡壯侯

宋李彥仙字少嚴寧州彭原人徙鞏州靖康元年應募
爲石壕尉堅守三薊金人攻之彥仙戰佯北金人追
之伏發掩殺千級累功知陝州初金人得陝用降人
守之招集散亡彥仙陰遣人廁其間乃引兵攻南郭
潛師薄東北隅所納士內應謀而人復陝州乘勝渡

甘肅通志

卷三十七

忠節

七

河列柵中條諸山郡邑皆響附金婁宿奇其才略以
官彥仙斬其使復遣人招降彥仙命強弩一發斃之
金益兵攻城城陷彥仙率衆巷戰矢集身如蝟左臂
中刃不斷戰愈力旣而投河死之贈彰武節度使建
廟號忠烈諡忠威

馬 莖岩昌人家世以忠勇爲名將莖以六郡鎮撫
使咸淳中元將楊文安與莖同卑諭使降莖不從文
安乃列柵攻城潛遣勇士躡雲梯宵登斬關納外兵
莖悉力巷戰兵敗力屈而死

馬 塹堊弟咸淳中知欽州徙邕州撫諸蠻及
隘皆有條理邊陲晏然宋亡塹因留靜江總屯戍諸
軍守城元將阿里海牙以兵夾攻塹兵敗海牙使人
招降塹發弩射之攻三月前後百餘戰訖無降意城
破塹率死士巷戰被執殺之斷其首猶握拳起立踰
塹始仆

金郭蝦蟇會州人以善射應募累立戰功官蘭會洮河
元帥大興初西州望風降元蝦蟇堅守孤城集州內
金銀銅鐵雜鑄爲砲殺牛馬食戰士悉焚廬舍積聚

通志

卷三十七

忠節

八

日無使資敵軍士死傷過半益奮力死守度力不支
乃命積薪州門呼集家人及城中將校妻女將焚之
城破猶鏖戰良久士卒弓盡矢絕者卽先挺身入火
中蝦蟇獨上大草積發三二百矢皆中矢盡自焚死
明王良輔隴西人正德間以國子生授河南沈邱縣學
訓導汴東盜起流劫郡縣賊至城下良輔督兵防禦
竭力拒賊城陷良輔帥子禮諸生陳善等與賊接戰
被執罵賊不屈與禮及家人俱受害當路奏聞賜恤
程 斌會寧人爲戍伍總鎮有勇畧先是虜犯岷州

遊擊哈欽與戰敗績幾爲所及斌力抹得免萬歷二
年西番劫階岷境總兵孫國臣以斌爲先鋒斌手刃
番賊百餘人焚斃不可勝計後入叢林失歸路被殺
軍門爲護其喪葬具奏厚恤其家

劉躍龍安定人舉天啟元年鄉試在河南開封府同
知戚治豪強惠撫小民解任歸適當閩寇龍盡出已
襄德城郭募鄉兵爲捍禦計城破罵賊不屈而死
趙率教靖遠人萬歷中歷延綏參將屢著戰功爲將
廉勇詩士有恩勤身奉公勞而不懈經畧袁應泰薦

擢副總兵以樞輔孫承宗令編次難民爲兵悉加精
練餘給牛種屯田承宗上其功於朝擢總兵官右都
督後因戰中流矢陣亡贈恤立祠

關永傑字人孟鞏昌裔人狀貌奇偉登進士授開封
推官強直不阿攝府事興利去患民畏愛之以憂歸
起官紹興遷兵部主事擢河南按察僉事備兵陳州
多異政時李自成擾亂中州永傑繕城修備率士民
分堞守賊遣使說降斬其頭懸之城上賊怒攻破之
永傑格殺數賊身中數刃火罵而死事聞恤贈光祿

寺卿

戴 天安定貢生闖賊陷鞏昌屬縣皆降獨安定拒守賊圍城邑人欲開門迎降天與貢生張國統甲冑至縣堂按劍號令誓死守城城陷與統死之時諸生張大才同弟大訓分守南城城陷不屈罵賊死監生張大韶墜城死僕孛兒亦死

李茂嘗隴西人歲貢授青州府通判時饑民嘯聚劫掠州縣茂實自本城至新泰縣八十餘戰屢挫賊鋒既而衙兵潰散茂實力戰遇害瀕死罵不絕口

甘肅通志

卷三十七

忠節

十

崔宏宇鞏昌衛世襲百戶明末流賊薄郡城勢甚熾巡按賈多男坐東城樓陳兵簡將令出師破賊諸衛弁懼宏宇獨請行賈降坐與揖把酒手扶上馬出東郭與賊遇宏宇善射賊應弦落馬乘勝追殺之矢盡遇害賈以之勸關永傑爲文誄之

張 傑隴西生員李賊破西安袁宗弟取鞏昌傑倡義糾衛弁崔光祖等據寧遠魯班山思欲恢復鞏昌自成逆將攻山破之傑罵賊死妻李氏亦殉其難王保民安定庠生賊李自成攻安定保民號於衆曰

協心堅守賊進城無噍類矣率諸子姪力戰三晝夜
兄保泰弟保貞子敬俱庠生一時同被賊刃姪孫宏
毅射殺二十餘賊賊多識之入城碎其屍同時監生
陳周鼎庠生石瑄高朝鳳罵賊不屈死康維新李洲
楊毓秀陳周瑞陳周哲俱陞城死楊中葵巷戰死劉
翹名楊九儀王璽薛三戒楊道泰與保民同議守城
者賊指名審訊皆不屈被殺義民梢栢張問行孫邱
于應泰張一才張懋齡李太昇王臣竭力捍守手刃
多賊俱被殺

馮維京通渭諸生貧不自給爲人訓誥性耿介明末
闖賊寇渭維京攜其婦避於水岔遇賊叱之跪維京
指賊大罵賊斷其足罵不絕口而死

張永祚字錦基通渭諸生少失父奉母至孝明末闖
賊圍渭永祚登城以守時勵於衆矢石盡永祚知不
免乃持盃酒與母兄訣城陷賊露刃逼降永祚張目
大罵卽投井中死次日扶屍出神氣如生怒日未瞑
溫元春拔貢郭梁監生杜桂枝金章王汝盤生員董
寧遠人明莊烈帝殉國五人散家貲募丁勇以

激衆衆多從之其後勢不敵俱死于難無一人肯伴
脫者

薛國正西和庠生明末流寇破西和國正率鄉兵迎
戰于西門巷口衆皆逃潰賊圍之挺身力戰矢下如
雨罵賊自刎而死巡方旌其忠烈

王國興靖遠選貢授山東壽光縣丞署縣邱遭闖賊
變殉難死

房加寵靖遠人在四川綦江參將歿于戰

徐承斌岷州百戶崇正四年領兵赴秦州勦流寇陣

甘肅通志

卷三十七

忠節

十三

亡

楊承芳岷州衛指揮僉事陞環縣守備回籍賊登城
承芳率家僕數十人拒戰復抵賊壘大戰壘河之南
死於陣

梁建中岷州衛諸生崇正七年十一月初一日夜賊
踰城而上建中上城拒之復繞城大呼城中人起時
建中遇害賊亦帶傷而下城賴以完

曹思正岷州人以孝廉授河南襄城令冰礮自矢襄
人愛戴之李自成陷城遂殉於難

丁光耀光緒沱州府人甲午流寇陷沱光耀等奮
願身出城與賊血戰而亡

王廷璋沱州歲貢歷任四川璧山知縣致仕回家流
寇至洗不食而死

吳 緯西固人明末在直隸巢縣訓導李賊破巢罵
賊死之

皇清杜懋哲直隸人順治四年任岷州同知立法嚴整諸
弊悉除五年四月回賊作亂執懋哲欲降之懋哲罵
不絕口被害

甘肅通志 卷三十七 忠節 三

劉繼祖順治三年補道標中軍守備值回變率兵巷
戰死之

韓國元藁城人由行伍任西固守備康熙四十八年
番夷猖獗搶掠邊民國元身先士卒與賊戰殺數十
人力屈遇害

洪 章同安人西固所千總康熙四十八年番賊犯
境守備韓國元率兵堵禦章亦督鄉壯奮勇擊賊鄉
民潰章力竭遇害

李邦棟靖遠人西川成都府遊擊順治十八年征茅

廬山陣亡

甘肅通志

卷三十七

忠節

五

晉皇甫重字倫叔安定朝那人性沉果有才用爲司空
張華所知元康中爲秦州刺史重弟商爲長沙王又
參軍河間王融遣四郡兵攻之商間行齎帝手詔使
四郡罷兵令重進軍討融融捕得商殺之又旣敗重
猶堅守四郡築土山攻城重輒以連弩射之所在爲
地窟兵不得近城將士爲之死戰後知商爲融所殺
無外援遂遇害

張肅軌弟寔叔父建威將軍以京師危逼請爲先

甘肅通志

卷三十七

忠節

五

鋒擊劉曜是以肅年老不許肅曰受晉寵秩剖符列
位今國運方艱朝廷有難不奮何以爲臣寔以軍旅
非耆老所堪終不用旣而肅聞京師陷遂悲憤而卒

隋皇甫誕字元慮安定烏氏人少剛毅有器局周畢王
引爲倉曹參軍隋高祖受禪爲兵部侍郎出爲魯州
刺史後爲刑部侍郎俱有能名遷治書侍御史朝臣
無不譽暉上以百姓多流亡命誕爲河南道大使以
檢括之及還奏事稱旨上甚悅令判大理少卿尋轉
尚書左丞時漢王諒爲并州總管朝廷盛選傑佐上

以誕公方著稱拜并州總管司馬總府政事一以容
之及煬帝徵諒入朝諒發兵作亂誕數諫止不納因
流涕曰願王奉詔入朝守臣子之節如更遷延陷身
叛逆求爲黔首不可得也諒怒囚之及楊素將至諒
屯兵清源以拒之諒主簿豆盧毓出誕於獄協謀閉
城拒諒諒襲擊破之抗節遇害帝以誕亡身殉國嘉
悼久之下詔褒顯贈柱國封步義公諡曰明

郭一 許德順中安堡人宣和中從軍積官至武經郎
爲涇原第八副將金人犯陝西渭帥以下叛降獨許

甘肅通志

卷三十七

忠節

六

不從乃下之獄脅使降許奮呼曰大丈夫今得死所
矣終不爲叛逆爲天地所不容吾死當訴爾於地下
耳衆惡其語卽殺之建炎間贈武翼大夫忠州刺史
劉惟輔涇州人以同州觀察使爲熙河副總管金人
旣得秦州經畧使張深遣惟輔將三千騎禦之惟輔
留軍熟羊城以千八百人屯新店黎明短兵相接
殺傷大當惟輔舞稍刺 將李景黑奔洞胸墜
馬死敵爲奪氣退深擣隴右都護張巖往送之與曲
端期而不至遇伏死惟輔自間道得歸金人掠熙河